

西陲總統事畧

卷七之八

西陲總統事畧目錄

卷七

兵屯 戶屯水利

旗屯 水利

回屯 水利

屯務成案

西陲總統事畧卷七

宮保將軍松筠湘浦纂定 男熙慶亮績校字

原任山東知縣汪廷楷仰亭原輯

原任戶部郎中祁韻士鶴臯編纂

原任城守尉宗室賡寧安齋繪圖

前任吏部員外郎程振甲也園校刊

兵屯 戶屯

乾隆二十年辦事大臣阿桂奉

旨自阿克蘇帶領綠營兵一百名始至伊犁屯田闢墾是年
又奏調綠營兵九百名共計一千俟到齊後卽令全

行墾種至三十四年陸續由內地增調屯田兵至二千五百名五年更替以五百名差操二千名屯種

乾隆四十三年將軍伊勒圖

奏准所調屯兵改爲攜眷定額三千名以五百名差操二千五百名屯種分爲二十五屯每屯兵百名每名種地二十畝所種各色雜糧於秋收後核計收成分數仍視倉儲之多寡隨時增減屯種

乾隆四十七年將軍伊勒圖以積貯糧石過多恐致霉變

奏明於二十五屯內減撤十屯兵一千名操練技藝

乾隆五十四年將軍保寧因籌貯倉儲

奏准增添七屯

嘉慶四年將軍保寧以積貯糧石盈餘

奏准於二十二屯兵內裁撤四百名歸操

嘉慶九年將軍松筠

奏准按照舊例裁撤三屯以歸從前十五屯之數屯種

限定五年爲滿照前加種

嘉慶十三年將軍松筠

奏明前撤三屯五年限滿於十四年加種三屯

嘉慶十年將軍松筠以惠遠城滿營支放烏鎗步甲

應需口糧皆係歷年積貯斛面餘糧至嘉慶八年舊
存糧石儘數放完不得不於正項糧內動用支發等
因

奏明於裁撤綠營水磨兵丁分撥各屯加給籽種畊種
自十一年爲始每年添交小麥一千六百石

所有屯田地畝皆係輪年歇種每屯兵百名每年應
領籽種一百一十石秋成後視其收穫分數交納每
屯十八分至二十八分不等其十八分者交納各色
細糧一千八百石二十八分者交納各色細糧二千
八百石

乾隆三十五年將軍伊勒圖

奏定屯田兵每名歲獲糧二十八石以上者給兩月鹽菜銀兩十八石以上者該管官員議叙兵丁賞給一月鹽菜銀兩十五石者功過相抵

乾隆三十七年將軍舒赫德

奏准客民莊世福等四十八戶願入屯田戶籍每戶給地三十畝官爲借給牛種口糧自開墾三年以內代完借項每畝納租銀一錢其借項代完之後每畝實納租銀五分

乾隆三十九年將軍伊勒圖

奏准戶民張成印等二十三戶照四十八戶客民屯田
戶籍之例官借牛種口糧分年還項以次酌定科則
乾隆四十六年將軍伊勒圖以戶民王已興等三十
戶願入戶籍永爲土著良民亦照前例撥給地畝墾
種以上三項共計戶民一百一戶每戶種地三十畝
共三千三十畝每畝征銀五分每歲共計征銀一百
五十一兩五錢迄今並無增減

乾隆四十五年將軍伊勒圖

奏准綠營眷兵分戶子弟任世才等一百一十四戶每
戶撥給地三十畝共地三千四百二十畝定例陞科

每畝額交細糧小麥八升八合九勺每歲共計額交細糧小麥三百四石三升八合此項地畝迄今並無增減

乾隆二十八年起至嘉慶十三年止商民張子儀等三十二名陸續共報墾麥地三萬九千六百一十八畝六分每畝征銀五分每歲共計征銀一千九百八十兩九錢三分

乾隆二十八年起至嘉慶十三年止商民張尚義等二百名共墾種蔬地稻田一萬六百六十八畝六分每畝征租銀一錢每歲共計征租銀一千六十六兩

八錢六分以上地畝俱係聽民報墾官爲查丈按畝
納租逐年有因渠水多寡報明隨時增減並無定額
乾隆三十三年將軍阿桂以發來種地人犯馬登科
等三戶每戶撥給地十二畝每畝交納細糧小麥八
升共計每歲交納細糧小麥二石八斗八升

乾隆五十四年將軍保寧咨准編入民籍潘有成等
四戶每戶撥給地十二畝每畝征交細糧小麥八升
每歲共計征交細糧小麥十五石三斗六升以上七
戶迄今並無增減

乾隆二十九年夏至嘉慶十三年止所有發遣爲奴

及撥交綠營種地人犯除病故年老殘廢以及減釋
外現在實有三十五名每名種地十五畝共地五百
二十五畝每畝交納各色細糧八升共計每歲交納
各色細糧四十二石

乾隆三十五年起至嘉慶十三年止所有撥赴綠營
種地爲民人犯除病故年老殘疾並奉文差送廠工
以及減釋外現在實有二百二十三名每名種地十
二畝共地二千六百七十六畝每畝交納各色細糧
八升每歲共計交納各色細糧二百一十四石八升
乾隆二十七年起至嘉慶十三年止所有撥交綠營

種地發來爲奴有眷人犯除病故廢疾及減釋外現在實有十七名每名種地十五畝共地二百五十五畝每畝交納各色細糧八升每歲共計交納各色細糧二十石四斗

乾隆五十一年將軍奎林

奏准綠營脫逃投回兵丁照爲民遣犯種地納糧之例每名撥給地十二畝令其耕種納糧歷年除病故外截至嘉慶十三年止現在實有十八名共種地二百一十六畝每畝交納各色細糧八升每歲共計交納各色細糧一十七石二斗八升以上四項地畝俱係

逐年增減並無定額

兵屯水利

綏定城屯鎮中營屯田引用烏哈爾里克山泉並小蘆草溝泉水上游分漑喇嘛寺溝遣屯民地綏定城屯鎮中營官屯地畝並城南戶民地畝水泉子一帶滿營五旗地畝及戶民園地旗下園地入惠遠城街渠適用

中營官屯又兼引用左營四屯遺水及泉水灌溉餘水流歸磨河渠其磨河上游本有山泉由塔爾奇城西北濬渠環繞城南折東而又南引泉水灌溉正紅鑲紅兩旗屯地並本城官兵新墾地畝是爲

西地

屯鎮左營大蘆草溝屯田在綏定城西北該營官屯
引用菓子溝卽塔爾奇溝泉水龍口分水一支引
溉屯地外餘水流歸中營屯地又自龍口分水一
支引溉左頭屯地畝餘水流歸塔爾奇屯

左營又引大東溝水灌溉屯地外餘水流歸塔爾奇
屯

左營又引小西溝水灌溉屯地外餘水流歸塔爾奇
屯

屯鎮右營清水河屯田在左營之西該營官屯用大